



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

10. Dies Augusti. Altissima quæque flumina, minimo sono labuntur.

urn:nbn:de:hbz:466:1-45477

Augustus.

Tessera.

621

carnationis, Nativitatis, &c. sic quotidie ob quodlibet Dei beneficium, deberet esse in corde quasi dies festus. Ad hoc nos hortatur Poëta :

Sit cordis festum, panem meminisse comestum.

10. DIES AUGUSTI.

Altissima quæque flumina, minimo sono labuntur.

Curtius l. 7.

Affabi-
litas.

I.

Pertexo telam Virtutum Morali-
um, quas inter nulla est, quæ
tantas animis ad alliciendum ha-
bet præstigias, quàm comis quæ-
dam erga omnes Affabilitas. Hæc potissimum versa-
tur circa congressiones, & convictum; hoc est, circa
eorum ambitum actionum, ad humanam, & socie-
tatem vitam, ac conversationem spectantium: præser-
tim ad colloquia cum aliis: quæ homo affabilis stu-
det ita attemperare, ut proximo grata sint, & talia,
quæ hominem in civili vita degentem, non dede-
ceant. Necesse quoque ad eam est, præcurrere animi
hilaritatem. Nam, ut dixit Sidonius: (a) *Quidam
barbarismus est morum, sermo secundus, & animus af-
fabilis.* Hæc Affabilitas potissimum convenit iis, qui,
vel in potestatis culmine, ut præsent: vel in dignitatis
apice, ut imperent, sunt constituti. Ille igitur, qui alta
occupant fastigia, imitentur altissima flumina, quæ,
ut monet Tessera, *minimo sono labuntur.* Sic & illi, mi-
nimo tono loquuntur, sint Magnates, tanquam ma-
gnetes, qui comi aff. bilitate omnes etiam ferreos
homines ad se trahant, tractos, sibi concilient, concili-
atos obligent. Summa sapientia est in aucupe, scire,
quo

[a] L. 9. ep. 3.

quo genere ciborum, singulae volucres delectentur. Et ut bene Arbiter: *Nisi piscator eam imposuerit hanc escam, quam scierit appetituros esse pisciculos, sine praeda moratur in scopulo.* Sic voluntates, quae varum simulationum involucris teguntur, partim largiendo, partim affabiliter alloquendo, partim promittendo, sunt nobis conciliandae.

II. Maneat altâ mente repostum illud Sidonii effectum: (a) *Breve saepe tempus est audientia, sed diuturnum injuria.* Illius memor Pius II. Pontifex Maximus cum ad eum Senex verbis supra modum profusus, petendi quidpiam gratiâ venisset, eumque, quia profusorem quidam de adstantibus admoneret, verò Pius Pontifex, omnia illum ab exordio repetere imperat, vultuque severius in alterum retorto: *Nescis, ait, ex quo Pontificatum inii, aliis vivere me oportere, non mihi.* Sic agant utinam, & dicant, qui vel in domo sunt, patres familias, vel in Urbe, Consules, vel in Patria, Praesides, vel in basilica, Principes, vel in Ecclesia Antistites, omnes denique in alios imperio polentes. Optandum, omnes in se exprimerent, motibus, quod in Constantino Nazarius tanto per eum laudibus; (b) *Quid? faciles aditus: quid? aures patetissimae: quid? benigna responsa: quid? vultum ipsius Augusti decoris gravitate, hilaritate permixtâ, venerandum quiddam, & amabile renidentem, quis dignum exequi posset? Quarum rerum miraculo, sic omnes devinciebantur, ut non tam omnes dolerent, quod illum tyrannum tam diu tulerant: quam quod tali Principe tam serò fruerentur.* Qui talis est, tutior erit publici amoris excubiis, quam omnium militum gladiis.

Unde,

[a] L. 4. ep. 6. [b] Orat. in Constant.

Unde, qui tutò regnare volunt, benevolentia, non armis stipari studeant.

III. Imperfecto amore non licet reperire verba ficta, aut officia fucata. Qualis est amor in corde, talia sint verba in ore, si dissident verba, & corda, talis se magis reddet suspectum, quàm suspiciendum. Qui multis præest, est quasi araneus in medio telæ, ubi si apice acus filum aliquod telæ vel levissimè tangatur, mox illud sentit araneus; sic nullus subditorum, debet minimâ tangi injuriâ; quin hoc statim sentiat usque ad viscera. Plus debet conniti, ut affabilitate omnes pelliceat, quàm severitate terreat. Est enim illud nimis quàm verum: (a) *Nemo ei satis fidus, quem meruit.* Itaque, illud Josephi: *Semper firmitus est Principis imperium, qui amari vult, quàm qui metui.* Natura enim, sic comparatum est, ut subiecti delectentur Regibus, de suo fastigio se nonnihil demittentibus. Horum non nescius Tiberius Imperator: (b) *In appellandis, venerâdisque singulis, & universis propè excesserat humanitatis modum.* Huic similis fuit Rodolphus Imperator Austriacus, cum enim, frequentior esset ad eum populi concursus, & per satellites quosdam tenuioris fortunæ ad se affectantes submoveri videret, non sine stomacho edixit: *Per Deum, finite homines ad me venire; non enim ideò ad imperium vocatus sum, ut in arcula includar.* Semper affabilibus sunt blanda fantempora. Quàm sit blanda animorum conciliatricula, Affabilitas. Si mihi non credis, ipsi crede Eloquentiæ, hoc est, Tullio. (c) *Difficile dictum est, quanto perè*

[a] Curt. l. 10. 8. Antiq. 3. [b] Sueton. in ejus vita 6, 29. [c] l. 2. de offic. c. 14.

pere conciliet animos hominum comitas, affabilitas
verborum. Dicam igitur cum Poëta:

Si vis esse comes mihi: mores accipe comes.

II. DIES AUGUSTI.

Explicando te à mundo, simplex; Implicando, dup-
plex eris. *S. August. Hom. 2. in Joan.*

Simpli-
citas.

Simplex vocatur moribus, qui
commixtus, ac multiplex non
nec in varia abit, sed unius tantum
& incompōsitæ est formæ. Itaque

simplicitas signat animum non effusum in multa, ne
distractum in res externas. Non rarò simplicitas, ani-
mi lenitatem, referendæ injuriæ nesciam denotat,
conjunctam cum quadam naturæ bonitate quæ quæ-
rerrimè inducitur; ut de alio suspicetur, præter
quam quod apertum est, foris que proditur. Unde qui
transactâ injuriâ, iram abjiciunt, nec in aliquo pecto-
ris recessu, ac fluxu recondunt, & ideò de vindicandâ
injuria non sunt solliciti, meritò dicuntur simplices
sicut columbæ, (a) quæ, (teste S. Cypriano) est simplex
animal & letum, non felle amarum, non moribus saevum
non unguium laceratione violentum. Itaque simplici-
tas, est quiddam è pulcherrimis perfectionibus con-
flatum, eximia vitæ ratio, omni decore, ac venustate
concinna, coram Deo pretiosa, quam etiam uno ve-
bo dicimus Innocentiam, cum abest ab animo scelus,
à corde, vindictæ cupiditas, ab ore, loquendi callidi-
tas, à moribus, duplicitas atque ut in lyrâ, est omnium
in mente, & voluntate actionum Christianarum
symphonia, hoc est breviter, candida simplicitas, &

[a] *De vit, Eccl.*